

# Kálaad ábêê Pwôl nyə á cilə Timotê yé

## Isâ í dúgyá nə kálaad ábêê mə Pwôl shú mə Timotê yí

Kálaad ábêé mə Timotê ηgə nyîn nə Pwôl nyə á bæ Róma ja nyə á cilə nyə yí (1.17). Í á jəla nə bæ Pwôl ηgə jág jug mímbwugəd (2.9) a músə a tál fwó (4.10, 16). Nda nyə á mpu nə iséy byé í mə shîn a wál zə yə nə (4.6), nyə á ka cilə muud nyə á bæ nyə fwámé múúd gwoonη á ccelí yé (1.2), yə nyə məcwûη.

Pwôl mə tééd fwo yə Zembî akíba nə búgə Timotê ji nə ndí yí. Nda á bwey mpu nə obwiηgye ó Jəjə Lâη bwé də jug, də bwəma nə cúwálí nə, a bándúló Timotê nə a yímúg nyúul ja məkəgəmə mə bó yí, a gwána nda fwámé «mwâ zimbî mə Krîst», lwóya íηkáj. (1.3–2.13). A mpú bándulə nyə nə a jíig ncê nə buud bwé də té mbεε ílís-lís nə ozhuyá nə isâ í də sá nə buud bwé wúg búgə dí wá. A mú ci nə a bég yuug jé, nyə Pwôl, a də cugə nda mílósú mí Zembî mí ηgə ci nə, kú fúfug (2.14–4.5). A mú kə shínal kálaad nə ηkánηgúlá ηkánηgula cé nyáméfwó tál yí, a ηgə lə Zembî muud nyə á ηgə shúgal nyə yé (4.6–22).

Pwôl ηgə lwó nə nyə a mə gwána gwáná á kaambulələ nə Jəjə Lâη nə ndéé kə wóós məshíné mə cug jé (4.7). A ηgə jii ja jêsh nə buud bwé lə kálaad éga wá bwé gwánág gwáná jəηgú kú nə ifwaas, nda fúndə mízhízhíη, ηgə gwána nə búgə, nə jísów, nə ccelí, nə nadâ.

*Məbədə*

<sup>1</sup> Mə wə ηgə cilə kálaad éga, mə Pwôl. Zembî nyə a jii ná mə bəg \*muud lwámá mə \*Krîst Yésus, shú ná mə bwíingug buud cug nyə á kaag ná a bá yə bwo wə Krîst Yésus yí. <sup>2</sup> Mə cilə wo Timotê mwân waam mə búl cœel yé. Zembî Sóóηgú bá Cwámba wúsú Krîst Yésus bwə ó sá wo mpaam, bwə ó gwág wo cœy lámád, bwə ó sá námə ná wo cágəg mpwogé.

*Pwôl ηgə yə Zembî akíba*

<sup>3</sup> Mə ηgə yə Zembî ódá bwə á du yə gúmə yé akíba. Nyə námə wə mə ηgə yə gúmə mitédúgá myá lâm mí njúl mə fúbán yé. Mə du wá wo mádí məjəgula dí ja jêsh, təo ibulú təo mimwásá. <sup>4</sup> Mə ηgə bul tédugá yé dwô, mə ka ηgə bul jii ná shwə dúgyág mə búlug bə nə məshusug. <sup>5</sup> Mə ηgə téduga búgə gwô, búgə á kú nə məkəη, búgə ηgwúd nə ηgwúd mpáámə gwô Loyís bá nyəəηgú woó Enís bwə á bə nə ndí yí. Mə ηgə mpu búbálé ná búgə jəəηg námə wə wó jí nə ndí yí.

*Magulag jug shú Jəjə Kéel*

<sup>6</sup> Gwə wə mə bándúlə wo ná: ηgagú nə gwíing sâ Zembî nyə á yə wo ja mə á bəd wo məbwə yí. <sup>7</sup> Nəcé \*shíshim Zembî nyə á yə shé yí í cúgə shíshim ífwaas; í yidá bə shíshim í du sá ná muud búlug bə nə ηkul, nə cœlí, a du jwú nə lâm yé yí. <sup>8</sup> Ntó mə kə ná wo ajáláyé nə gwág shwôn nə ηgələ bwíing lân mə Cwámba íshé tām buud, wo nda námə gwág mə shwôn nda mə jí mímbwug dí ná. Yidagú magulə nə wo júgug námə nda mə shú Jəjə Kéel, shwə ηgə \*búgula ηkul mə

**1:1** 1Tm 2.7    **1:2** Timotê: 1Tm 1.2; 1Kr 4.17    **1:3** Flp 3.5; 1Tm 1.5    **1:5** Mis 16.1    **1:6** bəd wo məbwə: 1Tm 4.14; 5.22    **1:7** Rom 8.15    **1:8** 2.9; Rom 1.16

Zembî. <sup>9</sup> Nacé nyə wá nyə á cug shé, a jôw shé ná shé bág buud bé; nyə a shígé jôw shé ntó ná shé á fwo sá jɔjɔ mísóólúgú, í á bə nji nacé nyəméfwó nyə á ηwa cigúlá ná a sá shé mpaam. Nyə á bwey cɛɛlə shé mpaam nyɔɔŋg kwonə mə \*Krîst Yésus dí, shí ga nda fwo tééd. <sup>10</sup> A má ka lwó shé mpaam nyɔɔŋgú ja gaád nə zálə cugye íshé Krîst Yésus nyə á zə lwóya nyúúl yí. Nyə wá nyə a má zə caam ηkul shwiy í á dɛ bə nə ndí yí, a zə nə Jɔjɔ Kéel zə sá ná shé mpúg cug jí kú bá bwele shîn yí.

<sup>11</sup> Jɔjɔ Kéel dɔɔŋg wá Zembî nyə á təl mə nə mə ηgág nə bwiŋg yí, mə bág \*muud lwámá, mə bə nə zhií mə jígúlí búúd. <sup>12</sup> Gwá wá má ηgé jísow minjugú yí; nji mə agwágé myo shwôn, nacé məe mə mpú múúd má á má búgala yé; mə mpú búbálé ná a jí nə ηkul mpu baagulə sâ jêsh má yá nyə ná a báaguləg yí, mə kə bá ηwa gwo jwôw á məzhúgúlá.

<sup>13</sup> Iciyá yâ obúbálé wó á lág nə mə yí, ηwag byo tân yuug, ηwag byo nə búgé nə cɛelí í ηgé zhu wá Krîst Yésus yí. <sup>14</sup> Sâ wo á yíyow yí, wo ó baagulə gwo nə kwíindyá má Nkɛŋkɛ Shíshim njúl shédí yé.

<sup>15</sup> Wo mpú ná buud ɔ Azî bēsh bwó á má myaas mə, tɛem bə Fizhêl bá Eramozhên. <sup>16</sup> Cwámba gwágúg njów búúd má Onezifôr cey lámád. Nacé nywáá nyə á dɛ wá mə ηkul nyúúlád, kú gwág mə shwôn nə mə jí mímbwugud. <sup>17</sup> Nyə á yida ηgə sɔ mə nə zény ja nyə á wós Róma yí, a mú kwey mə. <sup>18</sup> Cwámba Yésus sáág ná Zembî bág gwág nyə cey

---

**1:9** Ifz 2.8-9; Tit 3.5    **1:10** Yuá 1.14; Tit 3.6 shwiy ... cug jí kú bá bwele shîn yí: 1Kr 15.20, 55, 57; Heb 2.14-15    **1:11** 1Tm 2.7    **1:13** 1.5; 1Tm 1.10    **1:14** 1Tm 6.20    **1:15** 4.16    **1:16** Onezifôr: 4.19

lámúd jwów á mæzhúgúlâ. Wo ntâg wé mé búl mpu bímbí lú kwíindyá nyə á kwíind mæ Ifêz yí.

## 2

### *Pwôl ηgə cwîny mwân yé*

<sup>1</sup> Mwân waam, ság ná mpaam mé \*Krîst Yésus í lúlushig wo! <sup>2</sup> Sâ jêsh wó á gwág mé á jííḡuli zhwog owúshined bwé njúl yí, kalagú gwo, yə búúd wó mé dúg ná bí abúgúlág wá, bân bwé bág nə ηkul mæ jííḡulí bóólúgá búúd. <sup>3</sup> Jísówúg dwó kəw lú mínjugú tâη nda fwámé zimbi mæ Krîst Yésus. <sup>4</sup> Muud ηḡé sêy séy ízimbi yé, ja á cœel ná mása yé gwágúḡ nyə nywa yí, nyə ádé na nyiḡə kənd lám zhizhe ísád. <sup>5</sup> Bwé dū bwééd ηgwiimbe ígwiimbí \*túm gúmá nji ja á ntḡ nda mácœœ mé ígwiimbí mæ cí ná. <sup>6</sup> Mbœye mæmpəḡ nyə á wáduga yé, nyə wé mé jéla nə fwo tééd mwááḡulə mpúmá. <sup>7</sup> Faasúḡ ísâ mé ηḡé cí yí, Cwám̄ba nyə e sá ná wo wám̄búlḡḡ byêsh.

<sup>8</sup> Wo ə tádúḡá Yésus-Krîst nyə á byêl mpwoη buud mæ \*Dávid dí, nyə á gwúm yé. Jəjə Kéel mé ηḡé bwiḡḡ wé ni. <sup>9</sup> Mə jì mímbwug dí nda zhiləḡaanə nəcé mæ ηḡələ bwiḡḡ Milású mí Zembí myœəḡ. Nji, mæ tœm bə mímbwug dí, muud cugé nə ηkul wóolə Milású mí Zembí mæḡkəda. <sup>10</sup> Gwé wé í sá ná mæ ηḡḡḡ nə jísow ísâ byêsh, shú ná buud Zembí nyə a féesh wá bwé bííḡ cug Yésus nyə á zə nə ndí yí, bwé ka bá bə nə milwanə mí ábúle bwéle shîn yí. <sup>11</sup> Ciyá ábúḡúlág jí ná:

Nkí shénəη Yésus shé á yə,

shénónη mé bá námá nyingə cugə.

<sup>12</sup> Shé mé ká yím mányúúl,

shénónη ka bá jwú.

Shé mé ká kílya nyə,

a bá námá kílya shé.

<sup>13</sup> Shé mé ká bæ kú sá sâ á cí yí,

nywáá bæ námá nji abúgúlág,

nəcé a cugé nə ηkul kílya nyóméfwó.

*Wo ηgə sêy mísh mǎ Zembî dí*

<sup>14</sup> Báásúlág búúd isâ íni. Yímbúlíg bwo mísh mǎ Zembî dí né bwé bég kú dɛ bɛ dúlɛ bigas íciyá né ndéé mbigas kə nyɛ ózhuyâ. Sâ jɔɔŋg í akwííndé tɔɔ sâ, í yida kweemushi búúd bwé gwáɣɛlɛ wá.

<sup>15</sup> Wáág ηkúl né wo dúg nyín mísh mǎ Zembî dí né wo mé ntɔ məkugɛɛ, wo ji sóɔl mǎsáal cúgé nə sâ shwôn yé, sóɔl mǎsáal ηgə bwiiŋg búbálé mǎ Zembî mbií í jála yé.

<sup>16</sup> Wo nda dɛ kənd málwê mbéé zhizhe mikaand mí ηgə lúmbɛli nə búgə myáád. Buud bwé dɛ lás mbií mikaand myɔɔŋg wá bwé bá ηgə kə nji shwóg-shwóg nə Zembî.

<sup>17</sup> Iciyá byáŋ í bá dɛ dɛ búúd nda fáŋ ηkwaambá í dɛ dɛ múúd nyúúl ná. Imene bá Filêt bí mbií búúd wɔɔŋg.

<sup>18</sup> Bwé ηgə jaaw buud né gwúmáshílɛ sá ηgə ci ná Zembî mǎ bá gwúmushi búúd yí í á mǎ bwey bæ. Ja bé ηgə ci ntó yí, bwé mǎ shwáda wú óbúbáléd kə koogú, bwé ηgə sá ná bóɔl búúd búgə í shwágúság.

<sup>19</sup> Nji, tɔɔ jí tɔɔ jí, lal-lal lámɣa Zembî nyə lám yí, jáá jí ná námá né shím; Zembî nyə á cilə cínɔŋg lámɣa jɔɔŋg dí ná: «Cwámɣa mǎ mpú búúd bí búúd

---

**2:12** Mat 10.32-33; Rom 5.17    **2:13** Rom 3.3-4    **2:14** 1Tm 1.3-7; 6.4; Tit 3.9    **2:15** 1Tm 1.10    **2:16** 1Tm 1.4    **2:17** Imene: 1Tm 1.20    **2:19** Ilŋ 16.5; Yuá 10.14

bé wá», a nyingə námé cilə ná: «Muud yêsh má du kámb Cwámba yé má jəlá nə béégya nə olíingŋ».

<sup>20</sup> Njów má fwámé múúd í ádé bə nji nə ishúyá bwə á lúlə nə or ŋkí ntāg kwóógú bwə du lúlə \*mwaanê nə ndí yí; í du námé bə nə byəŋg ísâ bwə á caag nə ilíí yí, nə byəŋg bwə á mɛ nə yagá yí. Bíl bísə byəŋg bwə du balan nə ndí mǎfwála mə gúmá dí yí; bílúgá, bwə du balan nə ndí ja í cúgé fwála gúmá yí.

<sup>21</sup> Muud mə myáás bów-bôw mínjígúlá mə ámə ŋgə ci míni yé, nyə é bə shúyá gúmá. Muud wəŋgú nyə é bə ŋkɛŋkɛ múúd, a bə nə mfíí shú má Zembî muud njów, a bə kwésha ná búsə nə ŋkul balan nə nyə shú wúl jəjə sólúgú wêsh.

<sup>22</sup> Túbúg íyéesh í ŋgə bul julə məsás nə mənchwémá yí; wo yida sɔ ná wo cúgəg cug á tətəlí, cug búgə, cug cɛlí, cug á ná shɛɛ. Bínŋŋ buud bwə ŋgə jów Cwámba nə milám fúbán wá, bi cúgəg gwo nə lâm wêsh. <sup>23</sup> Dugú ban sɛŋúsálə búúd bwə du sɛŋusa mǎkəl kú nə wúmbúlé nda mikás yí. Nəcə sɛŋúsálə mǎkəl wəŋgú í ábweyé nə du shúgula ózhuyâ. <sup>24</sup> Í njúl ná sól məsáal mə Cwámba nyə ajáláyé nə du bə nə ozhuyâ, á jəlá nə yidá bə nə osusa nə muud yêsh, a du mpu jíguli búúd, a du bə nə jilələ lâm. <sup>25</sup> A jəlá nə du sá ná, bəŋg bwə sá nyə oŋkwafad wá, a cwíny bwo ná shɛɛ, a ŋgə bwánd ná ka Zembî nyə é yə bwo fwála ná bwə céndúg mítédúgá ná ndéé bwə zə mpu óbúbále, <sup>26</sup> bwə mú nyingə bii fwámé mítédúgá ná ndéé bwə mú cugya wú ŋkwaŋg mə Njwû məjamb dí kúl nyə á wá bwo mímbwug myéd ná bwə dúg gwág nji nə nyə yí.

## 3

*Bów-bów ísâ í bá s̄y mwów mâ mæzhúgúlâ d̄i*

<sup>1</sup> Mpug ná mwów mâ mæzhúgúlâ di, mól máfwála mé bá bə ɲkí lal cug. <sup>2</sup> Nəcə buud bwé bá bə nə íbíí, bwé bul cɛel \*mwaanê. Bwé bá bə nə bəgəwa, bwé dɛ ɲkêny mányúul, dɛ \*lás nə Zembî bwaasúlə mpu, sá obyól báj mælwê, nda dɛ lɔ mánywa, kú gwóɔ Zembî. <sup>3</sup> Bwé bá bə nə ɲkúd, bwé ábúle dɛ magúlə juu búúd, bwé bá dɛ sá íkúdúgú, dɛ sá ísâ nə jwuɲ, dɛ bə nə mənyaan, kú cɛel mánywa. <sup>4</sup> Bwé bá dɛ bə ɲgwól kusha ɲgwól, ɲgwól kusha ɲgwól, bwé bá bə nda bwé cúgé nə milúu, dɛ jág ɲkêny mányúul, bwé bá cɛel máshweesh mé cug ntɔ Zembî. <sup>5</sup> Bwé bá dɛ nyîn nda buud bwé ɲgé gwóɔ Zembî wá, ɲjɪ bwé nda mpu ɲkúl mé Zembî í dɛ cénd búúd yí. Wo ɔ bá dɛ tów búúd bəɲɲg shwóg-shwóg.

<sup>6</sup> Ból bəɲɲg bwé dɛ kyey nə minjígúla myán mínjów mínjów; budá bwé ɲgé wáduga nə kúdá lú \*misám, íyéesh mimbií mimbií í ɲgé kə nə bwo cê kə nə bwo cê wá, bwé dɛ biil mínjígúla myəɲɲg dí, nda óshû bwé dɛ biil ɲkwaɲɲg dí ná. <sup>7</sup> Búsə ɲjɪ bwé ɔ dɛ ɲwa mínjígúla, nda ka bwelɛ mpu óbúbálé. <sup>8</sup> Námé nda Zhanés bá Zhambres bwé á lúmbuli nə Moyíz ná, ntó námé wé óyíguli bəɲɲg bwé ɲgé lúmbuli nə óbúbálé yé. Mitédúgá mí mú bwo oncúg-nkulé mílúúd, jáɲ búgá í á mé yə íyíy-yíy. <sup>9</sup> ɲjɪ, sóólúgú wáj í ábúlé bugəban, nəcé buud bəsh bwé é mpu ná

---

**3:1** 1Tm 4.1; 2Pr 3.3; 1Yn 2.18; Yúd 18    **3:2** Gal 5.19-21    **3:5** Mat 7.15, 21; Rom 2.19-20; Tit 1.16    **3:6** Tit 1.11    **3:8** MmN 7.11, 22; 8.3, 14; 1Tm 6.4-5

bân bwé ngə cugə íwushí dî námə nda íwushí í Zhanés bá Zhambres í á mpûy ná.

*Nadagú ni isâ wó á jǐg mádí yí*

<sup>10</sup> Wεε gwó kóomb di, wo á bε minjǐgúlá myâm, wo ηwa kuú njəond wâm, wo mpu íyuug mə ngé yigula yí, nə búgə jâm, nə cug mə ngé cugə kú nə milámusa yí, nə cεlí jâm, nə zény mə jí nə ndí shú kélə shwóg yí. <sup>11</sup> Wo mpú nda búúd bwé á wáámb mə nə cúwúlí ná, wo mpú bímbí jugúlə mə á jug Antyósh nə Ikóniyum nə Lístrə yí. Byáyé ífamuga mə áshígé jísow yí? Nji, isâ íni byêsh í á tεem ngə wáámb mə, Cwámba nyə á ngə sá nə mə fáámug. <sup>12</sup> Mpug nə buud bēsh bwé céél cugə cug í yá Zembí gúmá kwon mə Yésus-Kríst wá bwé bá bwəma nə cúwúlí. <sup>13</sup> Nji, bəəng bí mímbúwúlú wá nə bəəng wâ məshǐgá bwé bá yida ngə jág bul sá məbôw, bwé ngé yíl bóól búúd zhííd, bwáméfwó bwé ngé námə yíləw.

<sup>14</sup> Wεε gwó kóomb di, nadagú nə isâ wó á jǐg wo magulə nə lâm wô yí; wo mpú ntâg buud wó á jǐg isâ byəəng bwédí wá. <sup>15</sup> Wó bwey mpu Micilyá mí Zembí tééd ná wo njúl mwántombú. Micilyá myəəng mí nə ηkul sá nə muud bég nə fug shú cug búúd bwé ngé bii nə búgúlálə Yésus-Kríst yí. <sup>16</sup> Zembí wə nyə a lwó buud cilyá wēsh bwé á cilə yí; ntó, cilyá wēsh wúsə nə mfíí shú jǐgúlílə búúd obúbálé, nə bágúlálə íwushí, nə sǐgúlə yíl búúd íwushí dî, nə jǐgúlílə búúd cug á tátəlí, <sup>17</sup> shú nə muud mə Zembí

---

**3:10** Rom 16.24; 1Tm 1.5      **3:11** Mis 13.50; 14.5; 14.19 jugúlə mə á jug: Sôm 34.20; 2Kr 11.23-29      **3:12** Mat 16.24; Yuá 15.20; Mis 14.22; 1Te 3.3      **3:14** 2.2; 1Tm 1.10      **3:15** Yuá 5.39; Rom 15.4; 1Tm 4.13; 2Pr 1.21      **3:17** 2.21



bæg nə ɲkul kwag sâ jêsh, sá nda fúfə nyə shú sálə sóólúgú wêsh wí ɲkí nywa yí.

## 4

### *Timotê bwíngug Jɔjɔ Kéel*

<sup>1</sup> Mə ɲgə lás nə wo mísh mə Zembî bá Yésus-Krîst dî. Mə lás nə wo, námə nda \*Krîst Yésus mə bá nyiɲgə zə ná, námə nda á bá zə sám̄b búúd milású tɔɔ mímbimbə tɔɔ mikuwó ná, námə nda á bá zə tâl íjwûga byé ná. <sup>2</sup> Mə lás nə wo ná, cúndág Ciyá mə Zembî, báásúlág tɔɔ fwála í jəla, tɔɔ í ajáláyé; dugú lwó búúd iwushí byán, dugú jum, də cwîny; ísâ íni byêsh dí, kú nə milámusa, wo mbíd nji yéesh jíígúílə. <sup>3</sup> Nəcə dúl fwála í bá bə, buud bwé ábúle ná də cɛel gwág fwámé njíígúílá. Bwé bá yidá də bɛ íyéesh byán, də sɛɛɲgya nə oyíguli bwé də jaaw bwo ísâ í də lugə bwo málwəd yí. <sup>4</sup> Bwé ábúle ná də kənd málwə óbúbáléd, bwé bá yida də gwágulə míkaanə. <sup>5</sup> Nji wɛɛ dugú cunal iyéesh byô ja jêsh, wo ɔ jísów micúɲ, wo ɔ wá nyúúl bwiɲgúlə Jɔjɔ Lánúđ, sá ísɛy byô mbií í jəla yí.

<sup>6</sup> Mɛɛ mú nda cúdú bwé zə cígə yə Zembî \*mətúnuga yé, wəla lú ɲjɔnd dām í mə wós. <sup>7</sup> Mə á mə gwána jɔjɔ gwáná, mə mə casulə kúlə mə á ɲgə ju yí, mə a mə baagulə búgə. <sup>8</sup> Tééd kíkidíga, \*túm gúmə í músə mə ɲkwəmusá, túm gúmə í lwó ná Zembî mə ci ná mə ji tátəlí yí. Cwám̄ba, muud jí sém̄bye milású atútəlí yé, nyə wé mə bá yə mə yuug

**4:1** Mis 10.42; 2Kr 5.10; 1Pr 4.5    **4:2** Mis 20.20, 31; Tit 1.13    **4:3** 1Tm 1.10; 4.1    **4:4** 1Tm 1.4    **4:6** Flp 2.17; 2Pr 1.14    **4:7** 1Kr 9.24-25; Flp 3.12-14; 1Tm 1.18

jəɔŋg jwôw dɔɔŋgúd; nyə abúle yə nji mə, a bá námá yə bəɔŋg bēsh bwé ŋgá cɛel ná a nyíŋgəg zə wá.

### *Isâ í lâm*

<sup>9</sup> Wáág ŋkûl ná wo lálug zə kwey mə. <sup>10</sup> Démas mə myaas mə nəcé a jág bul cɛel cug á mwôw mága. Nyə a má kə Tesaloníka, Kresáns má kə Galátia, Titus kə Dalmatí. <sup>11</sup> Nji Lúkas wé sá bí wa yé. Wo ɔ ŋwa Márkus zə nə nyə, nyə é zə kwíind mə ísýúd. <sup>12</sup> Mə a má kənd Tishik Ifêz. <sup>13</sup> Ja wó bá zə yí, wo ɔ bá zé nə mə káándá yêŋ má á lágə Truwás wé Karupus yí; wo ɔ bá námá zé nə okálaad, bul bə ná ndéé bəɔŋg bí síyá nə ikúúdú í cúdú wá.

<sup>14</sup> Aləguzándrə álúlə mikwambé nyə á bul sá mə məbôw. Cwámbe mə bá yə nyə myəna myâ misóólúgú myé. <sup>15</sup> Wo ó də námá káálugə nə nyə, nyə á bul lumbəli nə kéel dúsú.

<sup>16</sup> Jwów má á tééd kə shwə nyúúl mpáánzə milésú yí, mə a shígé bə nə muud mə kwíind mə, buud bēsh bwé á myaas mə. Zembî kə juu bwo nə bów-bôw sóólúgú wəŋ wəɔŋgúd. <sup>17</sup> Nji, Cwámbe nyə a shí kwíind mə, nyə á ləlushi mə mbíí á ná mə á bwiŋg kéel dé dēsh, mə sá ná ikûl ishús byêsh í gwágúg dwo. Nyə a tí yíl mə májə má zhwambánkwuŋ dî. <sup>18</sup> Cwámbe nyə e bá námá də yíl mə bíl ísâ í mábôw byêsh dí, a mú bá sá ná mə kág nyíi Faan dé á gwówúd kú shwúg jús kú bwim bəɔgú. A bég nə gúmá kandugə á kandugə! Amen.

---

**4:10** Flp 2.21 Démas: Kol 4.14; Flm 24; 1Yn 2.15; Tit 1.4 **4:11**  
 Lúkas: Kol 4.14 Márkus: Kol 4.10 **4:12** Tishik: Kol 4.7-8 **4:13**  
 Mis 20.6 **4:14** Mat 16.27 Aləguzándrə: 1Tm 1.20 **4:16** 1.15  
**4:17** Dan 6.21; Sôm 22.22; Mis 1.8; 23.11 **4:18** 2Kr 1.10; Flp  
 1.19-20

*Məbədə*

<sup>19</sup> Wo ɔ bədə mə Priska bá Akilas nə njów búúd mə Onezifôr. <sup>20</sup> Erâst nyə a lúg Kərênt, mə a lúgə Trofîm Milêt a ngə bwás. <sup>21</sup> Wáág ñkúl ná wo zág ñkwân nda fwo zə shí. Nə Ibulus nə Púdens nə Línus nə Klodía nə ból bwááñg bēsh bwé ngə bəda wo. <sup>22</sup> Cwám̄ba jíg nə \*shíshim wô! Zembî ké sá bí mpaam.

## **Kálaad Zembî : Sə, á Gúgwáan New Testament in Makaa**

copyright © 2014 Wycliffe Bible Translators, Inc.

Language: Makaa

Translation by: Wycliffe Bible Translators

Contributor: Wycliffe Bible Translators, Inc.

### **Copyright Information**

© 2014, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Makaa

**© 2014, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

---

PDF generated using Haiola and XeLaTeX on 21 Feb 2024 from source files  
dated 29 Jan 2022

d1606f4a-0ada-5be8-9b44-23b40e4b3495